


Despues di nan bishita na Aruba

Rey Willem-Alexander y Reina Máxima ta haci un bishita introductorio na Colombia y Venezuela



ORANJESTAD (AAN): Pareha real a invita Prome Minister di Aruba, Mike Eman, pa forma parti di e delegacion

Rey Willem-Alexander y Reina Máxima ta di bishita na Aruba dia 21 y 21 di November proximo como parti di un bishita formal di introduccion na e parti Caribense di Reino Hulandes. E pareha, cu a yega di bishita nos islanan den pasado, ta

haci esaki pa prome biaha como Rey y Reina di Reino Hulandes.

Combina cu e biahe aki pa e hemisferio, Rey y Reina kier haci tambe un bishita introductorio na paisnan bisiña, Colombia y Venezuela. E delegacion compañaando e pareha Real ta inclui Minister di Asuntonan Exterior Frans Timmermans. Un invitacion a bay tambe pa Prome Minister Mike Eman compaña e pareha real na tanto Colombia y Venezuela.

E bishita pa Colombia ta tuma luga dia 22 di November y e delegacion ta wordo ricibi pa presidente Juan Manuel Santos. E biahe pa Venezuela ta dia 23 di november y na Caracas e delegacion ta wordo ricibi pa presidente di e pais bisiña, Nicolás Maduro.